

دائرة مخصوصه

در سعادتده باب عالی جوارنده

محل اداره :

# مشرق افکار

اخطار :

مسلكمزه موافق آثار جديده مع المنوئيه  
قبول اولنور  
درج ايديلهين آثار اعاده اولنور

دينه، فلسفه، علوم، حقوق، ادبياتده و سياستده و بالخاصه كرك سياستى و كرك اجتماعى و مردمى احوال و مشوره اهميه ديه بحث ايدر و هفته ده بر نشر اولنور.

آبونه بدلى

سنه لىكى التى آيلنى

|                     |    |     |           |
|---------------------|----|-----|-----------|
| ممالك عثمانيه ايچون | ۸۰ | ۴۰  | غروش      |
| روسيه               | »  | ۶۰۵ | ۳۰۵ روبله |
| سائر ممالك اجنبيه   | »  | ۱۷  | ۹ فرانق   |

صاحب و مؤسسلى :

ابوالعلا زين العابدين - ح . اشرف اديب

تاريخ تأسيسى

۱۰ تموز ۳۲۴

در سعادتده نسخه سى ۵۰ پاره در

قىرله دن مقوا بورو ايله كوندريليرسه سنوى  
۲۰ غروش فضله آلنير

عدد : ۵۹

۶ شوال ۳۲۷ پنجشنبه ۸ نشرين اول ۳۲۵

اوجنچى جلد

هو بالقلری حیثی کوزله قانلر آغلانیر . کوچوک مکتبلرده بویوک خیالی معلملر کورولمشدرکه کندی زعملرنجه یکی وموافق برقواعدنامه تألیفه قالدیشوب مثلاً « مستغنی عرض وایضاح اولدینی اوزره لسان عذب البیان ترکی اوج لساندن مرکب اولوب... » صورتنده بر دیوانه لک سلسله سی طوتدیره رق زواللی چو جو قلمری باش دوندورن دیکنه لرله ، نوتلرله سرسم وبلکه اصم وایکم ایتشلردر .

یا کشاقلق اوزادجه اوزادی .. آرتیق سویله یه جک و قتمزده قالمادی ، دیکله یه جک حالمزده قالمادی . یازیق که هنوز اصوله دائر ، ناصیل حرکت ایدم جکمزده دائر برشیلر سویله یه مدک . فقط سیلکینمک ده برایشدر .. ای ایشلر ای حاضرقله باشلار . شونی ده اخطار ایدم که بر ساعتدر باش آغریتدق .. سویله دیکمز سوزلر سطحی باقانلره صدد خارجنده ، قورو دیدی قودی کوزونور . فقط ایشک حقیقتی اولیه دکلدی . بنده کز بونلری راست کله ، تهکما ، تهورا سویله مدم . اولدن دوشونه رک تصور وتصمیم ایله سویله دم . حتی فکرجه بو قدر اوزون حکایه کافی بیله دکلدی . وقت اولسه ده کونلرجه سویلشسه .. وطن اولادینی ، کوزل لسانمزی قورتامنه چالیشسه ق . خلاصه ، بنده کز بو اوزون قیل وقاله شدتله لزوم حس ایتدیکم ایچون بو قدر باش آغریتم . درمان ای قاورانلق ایچون درد ای آکلاشیلما لیدر . توتونه ، قهوه یه ، عشرته ، آفیونه مبتلا اولان دوشکونلری اولان بونلردن واز کچیرمه لی . چونکه بونلره طوتولوب سرسمله نن آدم ، حقیقی غذا ایله یاریشه مار .. اوکا اشتها حس ایتمز . ایشته اسکی ابتلارلدن صیریه لم ، غیزتیه آجی آجی سویله ندک .. ایجه درد لشدک .. حسب حال ایتدک . مکتبلر مزده نه یاییورز ، چو جو قلمری ناصیل ازیورز ، بونی اولدجه آکلادق . کله جک هفته کی مصاحبه ده اصوله دائرده آکلاشیر وتدریساتی ناضل یوروته جکمز آکلارز .

[ بوندن صوکره بوقونفه رانسک بقیه سی وداها صوکره ( لسان فارسی تدریساتی حقنده قونفه رانس ) ک ضبطی نشر اولونه جقدر ]

## مباحثات

### سکان سما

صراط مستقیمک اللی برنجی نسخه سننده بر مقاله یکتاده ( ومن آیاته خلق السموات والارض ومابث فیهما من دابة .. الخ ) آیت کریمه سنک برنجی فقره سننده عالم افلاکک مسکون بولندینی وایکنجی فقره سننده سکان مذکورده سماویه ایله سکان ارضک جمع واختلاطی - محقق الوقوع اولان - مشیت السیه نک آن ظهورینه منوط بولندینی عقلاً ، نقلاً وذوقاً ایضاح وتفسیر ایدلمشدی .

ذاتاً حال حاضرده کی ترقیات فنیه ، اجرامک مسکون بولندینی وانلر ایله مخاربه واختلاط ایتک قوه قریبه یه کلدیکنی وبوده وسائط موجوده نک بر آرزدها ترقیسیله تجلی وانکشاف ایدم جکنی عادتاً بداعت درجه سنه ایصال ایتمش اولدینی حالد علمای کرامز طرفندن

کرتک تبعاً وکرتک استخراجاً بویله بر مسئله مهمه حقنده شمیدی یه قدر بحث اولمندیغندن خیلی تأثر ایدلمشدی ایسه ده نص قاطع ایله کشفیات مذکورده ایضاح وتنبیر ایدیلنجه بنم کی بر جوق مسلمین ممنون اولمشدی . زیرا اوروپالیرک ماده سماده کی دواب مشونه نک اشکال وصورینی بایکده آثار ومختراعاتی سکان ارضه عرض ایتلرینه برشی قالمدینی ومحصى الصغیره والکبیره اولان حضرة قرآنده بوکا دائر صراحت تامه موجود بولندینی حالد شق شفه ایتامک نه درجه بادی حجاب وخجالت بر کیفیت اوله جقدی .

بو بونک کی ملاحظات نتیجه سی اوله رق تولد ایدن نشئه سرور ، لیلی مستقبله نک ظامته دکل ، نورانیتیه ، امی اعلا ایتدی . وبعدما انشالله علمای کرامز وفقهای فخامز مکنوزات بی نهایت قرآنیه دن ده اعلی ودها جدی در ومرجان استنباط وتفصیل ویکرمنجی عصرک ترقیات حیرتبخاشی ایله متناسب ایضاح وتحلیل بیوره جقلری امید ، آفاق مهملای اسلامیه ده پرواز وجد واستغراق اولیوریدی .

فقط موقت بر زمان ایچون اهمیتسز بر بلوط - که شمسک اک اوفق تأثیری ایله زائل اولور - بولوادین افقنده بلیدی .

قصه مذکورده یونس زاده احمد وهی افندی طرفندن وصراطک الی التبیح عددنده مسطور اولان اعتراض اوقوندی . مع التأسف سرد ایدیلان ادله وبراهین هیچ بر زمان ادله وبراهین اولمدقندبشقه آداب وقوانین مناظره نک دائره شمولندن خارجدر . چونکه عقلاً - تواتردن ده اعلی اولان - کشفاً ونقلاً ثابت اولان بر ماده اوزرینه مومی الیهک اعتراضی بک واهی وقیمتدن بتون بتون عاریدر .

بز ، حال حاضرده کی علمای کرامز طرفندن کافه حقائق مهمه فنیه وعقلیه نک آیات قرآنییه واحادیث نبویه مدلاً تطبیق وایضاح اولنسنی تمی ایدر وبو ادله ایله ، بتون ادیان قارش اعلان جرب ایدن مادیون ، طبعیون ، اشتراکیون وعوامیون .... الخ سالکری رد واقناع وهر درلو تعرض وهجوملری مدافعه ایدرک علویت اسلامیه نک وحقانیت دینه نک تصدیق واعلا ایتدیرلمسنی نیاز ایلرز . شبهه سز بو شرف علمای اعلامه خاص ومملوکدر . ( علماء امتی کانبیاء بنی اسرائیل ) حدیث مفخرت تقدیسی اجل علمای مکینه عائد ووادئ اصرارده بویان اولانر بو حکمدن ساقطدر .

عقولرینه مغروراً مومی الیه وهی افندی یه عرض ایدرم که اول علم هیئت ایله علم طبقاتک بوبابده معقولات ، نظریات واستدلالاتی مسکونیت اجرامی بداعت درجه سنه چیقارمشدرکه سبب عقلینک بوبابده استناد ایدم بیلدیکی یکانه علوم بونلردر .

ثانیاً الک مهم مرا کرمذنیه نک رصدخانه لرینک کشفیات موثوقه سی حکم تواتری بلغا مابلغ ایفا ایدیور .

نقله کلنجه ( ومابث فیهما من دابة ) فقره آیتک حکمی ، ( وبث فیها من کل دابة ) حکم آتی قدر صریح وواضحدر . بناء علیه ملائکه کرانه دلالت ایدن آیات مستقله قرآنییه درمیان ایتک بی سود وبی لزوم بولندیغندن مومی الیه صورارم که :

فیهما من دابة [ آیت جلیله سنه تکرار عطف نظر بیوریکز! ضمیر تنبیه ، سموات وارضه راجعدر؛ بوراده (دابه) کله سی مجاز اوله ماز . زیرا ، معنای حقیقیدن صارف بر قرینه یوقدر . قرینه صارفه اولق اوزره یازیلان آیات جلیله ، سمانک ملائکه ایله مسکون بولندیغنه دلالت ایدیور ؛ لکن حیوانات ایله غیر مسکون اولدیغنه حکم بیورمایور که دابه نك حقیقیدن صرف اولماسنه برقرینه تشکیل ایتسون . آیات مذکورہ اجرامک ملائکه ایله ، بو آیت جلیله ده حیوانات ایله مسکون اولدقلرینه دلالت ایدیور . بوایکسنک جمعده نه محذور وار ؟ یوقسه ملائکه ایله حیواناتک بر کرده اجتماعنی غیر معقول می کوریورسکز ؟ اکر سمانه ملائکه نك وجودینه دلالت ایدر آیات قرآنیہ واحادیث نبویه ایله اوراده حیواناتک بولمادیغنه حکم ایتک ، وموجودیتنی کویستن آتی تأویل ایتک ایجاب ایدیورسه ملائکه نك ارضه موجودیتنی کویستن احادیث شریفه دلالتیله ارضک ده حیوانات ایله مسکون اولمادیغنی ادعا ایتمه من ایجاب ایدر . ناصل ؟ کوزومزه کین بوقدر حیواناتی انکار ایده بیله جکمی یز ؟ البته خایر . اوله ایسه بر کرده ملک ایله حیوان اجتماع ایده بیلیر . برینک وجودی اوتہ کینک عدمنه دلالت ایتز . بو حالده « دابه » لفظنی معنای حقیقیسنندن صارف اوله رق بولمق ایسته دیککز قرینه شرعیه ، شرعاً قرینه اوله ماز . بناء علی ذلک اسباب علمدن اولان خبر صادقک ایکنجی قسمیله ده بوخصوص بزده معلوم اولیور .

برنجی قسمی اولان خبر متواتری ، « کذبہ اتفاقری ممکن اولمایان برقومک خبریدر » دیه تعریف ایتدکیرینه واعترافکز وجهله بونده مخبر بهک امکانیله ولو تجربه وحس طریقفلرندن بری ایله مشاهد اولسی شرط قیلندیغنه نظراً مانحن فیهمز اولان مسکونیت اجرام ، بونکله ده یک آجیق بر صورتده تحقیق ایدر .

اقطار عالمده کی علم هیأت متخصصلرینک بو خصوصی متفقاً خبر ویرمهلرینی ، وخصوص مذکورک عقلاً ممکن وبطریق الحدس مشاهد اولمسنی ، تواتر ایچون غیر کافی می بولیورسکز ؟ علم منطقده حدسیاتک مثالی « نورالقمر مستفاد من الشمس » دکلیدر ؟ بومضمونی هر عقل کندیلمکندن ادراک ایده من . آنجق علم هیأتجه ثابت اولمشدر . دیمک که هیأتجه اثبات اولتان مسائله حدس جاریدر . مانحن فیهمز نه دن جاری اوله مایور ؟ حدسیاتده هرکسک متفق اولسی شرط دکلیدر . علم منطقده مصرح اولان فکرایله حدسک فرقنی بوراده ذکر ایتکه لزوم کوریم . (العارف یکفیه الاشارة) پارس ، لوندرد ، برلین ، استانبول ، مصر ، طوکیو کی یکدیگره بعید محالده کی علم هیأت متخصصلرینک مسکونیت اجرامی متفقاً اخبار ایتهلری وبونک ممکن وبطریق الحدس مشاهد اولمسنی دوشونورسه کز خبر صادقک تواتر قسمی ده بوراده بولمش اوله جقسکز .

بوابده دخی ذات عالیرینه خالصانه برتوصیه ایتک ایسترم . اوده حضرت قرآنی بیضاوی مرحومک توجیهاته قصر بیورمامکزدرد . بیضاوی به اولان حسن ظن عالیرنی سزنی معانی قرآنیہ یی تحدید

(۱) ملائکه نك بولندیغنی یرلرده دواب مبنوه اولماقمی لازمکور ؟ اکر لازمکور ایسه کره ارض جقنده بو خصوصده کی اخبار صحیحہ یی انکارمی ایدم ؛ دکله کره ارضده کی دوابی تعامی می ایدم ؟

(۲) سورة بقره ده کی (وبث فیها من کل دابة) آیت جلیله سنی نه ایچون تأویل ایتمه رک اولدیغنی کی قبول ایدیور ؛ حالوکه بوایکی آیتک الفاظ ومعانی شریفه سی همان برکییدر . یوقسه دواب ارضیه یی چیکنه مک کوچی کلدی ؟

(۳) تفاسیر قرآنیہ دن نه ایچون یالکنز قاضی بیضاوی مرحومک تفسیری نظر دقته النیور ؟ سائر تفاسیر شریفه معتبر دکلی ؟ مثلاً روح البیان تفسیری بو ظلمتی اولدجه تنویر ایدیور .

(۴) وهی افندی نك دیدیکی کی هیچ بر وقت اون سکز بیک عالمه حصر وتحدیدی جائز اوله میان عوالم نامتناهیة الهیه ایچنده بزم ارضمن مثللو دواب مبنوه ایله مدبوب اجرام بولنورسه عظمت الهیه به - حاشا - بر نقیصه کلورمی ، زعم ایدلدی . اعتقاد فقیرانه مه کوره بالعکس ذاتاً حیرتبخشای عقول اولان قدرت سبحانیہ یی انظارده دها زیاده اعلا واثبات ایدر (رب زدنی علماً) قرسی علی رضا

النشاشیبي



### سکان سما

صراط مستقیمک الی آلتنجی نسخه سننده یونس زاده احمد وهی افندی طرفندن الی برنجی نسخه سننده کی مقاله عاجزی به مدافعه یازیلان سوزلری اوقودم . عاجزلری ، کرچه مقاله مذکورده ده علماء اعلام وهیانشناسان امت طرفلرندن کشاد اولنه جق باب مناظره به انتظار ایده جکمی یازمش ایدی ایسه مده ، مدافعه مذکوره قانون مناظره و آدابندن خارج اولدیغنی کی مقاله عاجزینک دقایقنه کسب اطلاع ایدیلهمه مش اولدیغنی کویستردیکی جهتله رد و مباحثه به محل اولمادیغندن سکوت ایده رک قارئین کرامک محاکمه لرینه حواله ایتکی مناسب بولمشدم . اخیراً بعض کیمسه لره سکوت ایله مقابله ، فکر وظنلرینه اولان اغترار و اعتمادلرینی تزیید ایده جکی ملاحظه سی عاجزلرینی مذکور امضا صاحبنه خطاباً و مقابله برقاچ سوز یازمغه ومقاله سننده کویستمک ایسته دیکی « فیفای فسیح قرآنی » برپارچه دارالتمغه سوق ایتدی .

حضرت ! اسباب علمک اوچ اولدیغنی بزده اوقودق ، حتی اوقوتدق . برنجیسی ، که حواس سلیمه در ، اجرام سماویه نك بعضلرینک مسکون اولدیغنی دلائل و آثاریله احساس ایتدیریور . ترقیات حاضره هیئته یی تعقیب ایده مه مک طولایسیله بو مسکونیتک حس بیورلما سی اربابی طرفلرندن محسوس اولمالرینی اقتضا ایتدیر من . بناء علیه اسباب علمدن اولان حس سلیم ایله بوخصوص معلومدر .

ایکنجیسی : خبر صادقدر . بودخی کمال طلاق و بلاغتیه بوخصوصی اشارت دکل ؛ تصریح بیوریور . استغذبالله [ وما بث